

類聞又白虎青龍交媾兒嬰女乾休相守王
害風別有朋友

拋毬樂

扶桑祥瑞生芝草便移在蓬萊島金枝玉葉
自然好崑崙上變珍寶霞光四面添玄奧
明焰裏通顛倒青童捧詒添嘉號無為處這
迴到

探春令

兀然真性杳杳默默無微無大一團瑩寶光
明圍繞五彩同隨那逍遙自在堪經過有
玉童相賀滿空馥郁盈盈裏面來伴神仙坐

南鄉子

百載鏡中容仰手為祥覆手凶生死榮華今
在目休逢疾速迴心認祖宗得得妙相從
滅盡三尸九箇蟲一氣浩然調養正沖融免
擊精藍過世鍾

重陽全真集卷之十二

重陽全真集卷之十三

交三

終南山重陽子王詒謨

詞

望蓬萊

聽我勸公莫謾風流猿馬不閑空踐野光陰
虛過度春秋怎得免荒丘如省悟急急把
心收對景直須拋妄想於身若是少貪求何
用道人頭

醴泉好風物雅幽幽須把惡緣如省悟宜將
善事急持修關裏莫投頭子省也遂把內
丹收對景摠情橫寫字有時歸去到騎牛道
號號無憂

又紙旗上書

邊境靜乞覓得便宜戰鼓復為韶樂鼓征旗
還作化緣旗便見太平時那滅捨第一莫
遲遲王詰害風無憂子當三折二小錢兒伏
願認真慈

又詠鍊鉛

食店好餽飽最奇現玉屑無窮博作塊瓊瑤
一片細勻開須便寶刀裁呈妙手用意穩

安排枕內梨花新貼樣筋頭銀線穩挑來餐
了趁蓬萊

又誦勸道友

趙公好偉貌正青春莫把先陰虛度却願將
功行實相親與我作比鄰清閑在認得出
迷津稍悟浮生除愛念如知幻化絕貪嗔便
是洞中人

未入道休要執中迷先且牢擒劣馬子切須
縛住耍孩兒款款做修持如省悟勤破女
男妻自在假身常煨煉逍遙真性得推移應
是上瑤池

詞謹勸見在好持修淨名淨利何日了勞神
勞氣幾時休塵世莫淹留須早悟三教理
玄幽擺脫恩山杜愛海得歸蓬島赴瀛洲只
在此心頭

詞意悟就上好修修意馬心猿都捉住攀緣
愛念一齊休善事莫遲留三教好妙理最
深幽擺脫浮生并世事這迴前路赴蓬洲此
箇是歸頭

又題杏花

春景好艷杏吐紅顏笑日仙姿真美麗倚風
嫩臉最奇瑰不羨臘前梅 人豈識唯許對
予開折得一枝應在手馨香滿袖任還迴
芳汝到蓬萊

武陵春

叮囑問公歸故里傳語醴泉人可可貪求莫
恨嗔贏取好精神 只此堪能為大道何必
苦尋真稍稍諸公悟此身便是出囂塵

又詠別道友

王詰已東遷經過甘河上眾賢性內飢寒由
未免盤纏乞覓諸公自肯錢 得得迺相傳
慧我同為出九蓮多少各人心意會恰恰此
去如來本氣傳

我已入南京甘鎮人人箇箇聽敬重三光須
要認休輕五穀中間得致精 此去決前程
寫盡平生自己聲若是却來重一過靈臺總
看真形一氣清

富貴與身貧肯把榮華只取仁前定緣由今
世用心純自是陰功福自臻 休更苦中辛
惡業休貪作善因奉勸愚迷須省悟休真萬

事由天不在人

蘇幕遮

少煩人稀赴會我自無思莫把他人恠廉儉
溫良身自在莫強追陪免得常耽債 有錢
時人見愛及至無錢親也全疎待且見世情

如此態察盡人心暗想除非外

性為真身是假認取圓成可可煩占惹自是

康強惺復灑靜裏搜閑急急投嬰姪 說良

因談道話開廓靈明拯出根源也一顆神珠

無有價裏上瑤臺永永長遊治

會傳孟經每醉能喫殘餘得飽長長睡眼裏

清開祥又瑞時復觀瞻白果黃紅翠 出虛

空無墜墜瓊蕊玲瓏顯現真嘉致最顯靈神

來望視移入金盤天上誇奇異

女休猜兒莫識情慈偷精盜髓喪筋力奉勸

迴頭尋歇息認取身中三箇真端直 蛇娘

親嬰子得專委黃婆鞠養成淵默暢飲刀圭

道十極四句同歸隨步雲霞陟

又買背籠

柳條柔麻線細妙手玄功密織牢纏繫合格

身兒都捏感堪與王風背上成家計 水雲
遊靈性慈應用衣食裏面深根蒂脫下凡軀
猜得謎了了起昇全是伊相濟

又點化道友

箇人人常守鋪兌裏合頭鐵索纏縛住怎識
從來光耀處元是神仙何不開心悟 覓清
涼搜穩步若要飄蓬除是風狂做也肯依憑
雲水去占得清閑走入逍遙路

箇人人二旬八旬肯迴頭性命成搜剔撲入

沉淪常墜壓鏡子前來著甚言談答 是神

仙何不察劈破凡心認取佛菩薩一顆明珠

頻擦抹七寶宮中疊起真金塔

又贈同友

這善宗能順我淨意清心認取逍遙卧日日
凡塵仍便趨管取教公快樂無推挫 早回
頭休漫過滅盡無明遠了尋常火一點靈光

山上鎖穩駕白雲五色霞中坐

又詠友人嘆身

省其身於其口贏得清閑自在逍遙走隨分
為生應永久不義之財且縮拳雲手 少追

陪微飲酒卸色搜身新認元初秀認正三光
兼孝友不祝神祇也得長春壽

又白告友人

正青春紅貌聚苦肯迴頭這下分明覩願得
迴頭心早悟與道為鄰也處道這所善緣
來惡緣去搜見真容知向靈臺住七座門開
通的祖跳出之時便入長生路

又贈于道友

要修行須發憤除了憂愁破盡情懷悶仗慧
刀揮五蘊劈開雙關穩穩成三分段商量
休厮問只把前篇日日頻搬運好向家中搜
土莫撥見明珠墜入清涼郡

又誄贈道友

善修文能應舉九轉金丹何不搜尋取若肯
回頭時暫觀兩足輕狂走入雲霞步按三
光隨師父別有一條穩穩長生路自在逍遙
開玉戶好與王風指日同歸去

又誄後來

弟兄德爭下手與世相違日日長鈴口休論
未鉛并卯酉開關路官自在逍遙走二儀

真三耀秀我欲親傳未肯相成就直待同流
觀得透款款停騰敢把天機漏

問真修聽我斷莫著凡軀物物須思算打破
般般常內看生即行住須作骷髏觀漸令
成常謹按八詠瓊田別有新條段性上分明
堪正說量得無差便到清涼岸

道無言禪沒說兩道白光唯許紅霞設真玉
山頭常擺拽濛濛虛兮返照靈峯雪念玲
瓏尤皎潔射透晴空瑩瑩神光別到此玄玄
玄妙微一朵金花裏面金丹結

那公分剖舉恩情割斷靈光照內蓮生真可
要乾嬰媽和會通玄妙憂愁樂道氣收來
結作成珍寶玉宇藏五彩耀透崑崙日月真
修造

浣溪沙

大道無名似有名達磨面壁九年情釋迦生
雪六年精奪得真空真妙用一通門裏出
圓明大羅天上聚圓成
會看虛空七寶園能開寂靜六華軒希夷微
妙在坤乾理透陰符三百字搜通道德五

千言害風一任害風度
綠水傍邊上雪山銳然跳出玉門關虛中空
外一開顏渺邈那邊歸正路的端便是穩
居間白雲難比此清閑

又重九日

金虎咆哮金馬傳金公重九撒金錢金風過
處舞金鈿金地徧成金蕊泛金重折得步
金蓮金盞裏面獻金仙
一箇詞兒十二金修行謹按日時尋意將孫
馬緊牢擒五戶自然開闢盡玉花叢裏洞

門深舊來那箇是知音

又誄筆

毛穎從來意最深江淹夢裏莫生心班超投
處好追尋放逸真閑據雅致詩詞不寫自
高吟這迴撈出水中金

憶王孫

四宵得得並無寒深謝孫公青顧看霞袖分
開拂霧端入長安迴首教賢結大丹
長安為甚便歸來使我蓮花五葉開別有清
光舊鎮醅獨傾盃免了輪迴九獄災

又贈馬鈺

人云口是禍之門，我道舌為禍之本。根不語無言，沒計論度朝昏，便是安閑保命存。

離別難

遊歷水雲兩郡人，休起無家看倩輪。認取風韻，是瓊瑤嘉氣滿丹霄。玉花吐馥郁，金蓮馨香二物誰消。隨緣從覆煮紅霞，繚繞翠霧不相饒。時得得日，照昭準蓬萊定信頻招見。空中彩鳳來，往又金童前捧紫芝苗。此却要再觀吾顏，除非能續絃，斷重調勒仗等各修持。一去洞天遙。

昭君怨

奉報早離火院，弃了一家琴瑟。自在水雲前，樂安然。便結長生燉煉，得做上仙親眷。搜出碧潭玄月圓。

搗練子

搗練子十怎生，閑來閑去好修行。囉哩哩囉哩，若逢迎得圓成，從頭一一說前程。囉哩哩囉哩，一為人做凡身，四肢假合怎生真。囉哩哩

囉哩 搜玄路出迷津，靜中調養氣精神。囉哩哩囉哩

猿騎馬逞顛，要難擒難捉，怎生捨囉哩哩。慧刀開齊，殺下教君認得根源也。囉哩哩囉哩

此圓通住虛空，冥冥杳杳，怎生窮囉哩哩。分南北，香西東，悟來只在笑談中。囉哩哩囉哩

重陽子全真，理陰陽顛倒，怎生使囉哩哩。這頭行，那頭止，沖和上下分明是。囉哩哩囉哩

用刀圭，剖昏迷，合一處，怎生携囉哩哩。人頭落現，紅霓白蓮，花朵出青泥。囉哩哩囉哩

從來性本來，命無形，無質怎生惺囉哩哩。汞中明鉛，中瑩霞光，裏面通賢聖。囉哩哩囉哩

水中金，心幽深，玄玄妙妙，怎生尋囉哩哩。從初得到，如今西風時，復送清音囉哩哩囉哩

三丹寶難分，剖昏冥，默默怎生得囉哩哩。在虛空，長懷抱，緋衫裹了，新烏帽。囉哩哩囉哩

水煎火坎，和離兩般，消息怎生知囉哩哩。休燒煉，莫修持，元來只是這些兒。囉哩哩囉哩

開心月圓，故深人前，教我怎生說囉哩哩。淨清水玲瓏，雪交光，朗照知明。囉哩哩囉哩

搗練子真了，了閑行，閑坐任歌吟。囉哩哩。我咱知人難曉，曲中有箇三光照。囉哩哩囉哩

潭底月雪中，霜有人會得，便風狂囉哩哩。泉底撥水中，金天竿尖上，細搜尋囉哩哩囉哩

搜芳翠，西輕盈，蕩然聽得賣花聲。乾陽天氣，候明朝，雲白晚風清。遮藏吹轉，益珠精，放馨香滿樹榮。點絳脣

可惜嬌兒，惺惺伶俐，聰明作靈臺。廓圓光

賺我許蓬萊約 斷却麻繩正好修丹藥如
本却買條銅索縛住踏雲脚

又贈友人

觀公形貌青春伶俐真性灑倫幽雅自然嬰
姍莫放猿兒耍 認取清閑異日成嘉話之
手者便休書寫養就丹無價

又詠拾菜人

昔日人言拾菜郎根莖茅甲總盈筐春夏秋
冬閑不得温炎涼冷鎮長忙 今日予言截
綵郎能為幹運做經商願靜一心休作用好
將四季細消詳

春季裁量十四郎風流玉貌好輕狂每夜房
中憐美婦常時腹內痛飢腸 以此街前來
背箱利多撲入絳帛行刀尺使時無作念妻
兒愛處越馨香

夏季裁量十四郎炎炎火焔越忙忙百巧場
中誇意銳萬人叢裏用心剛 絲綉羅紈鋪
內藏金銀珍寶架頭光獨做辛勤心自苦渾
家豐足業誰當

秋季裁量十四郎憂愁思慮動悽愴陡改紅

顏衰體瘦漸生白髮老容光 腰曲頭低力
不剛耳聾眼暗淚汪汪日往月來添疾病妻
媿女怨受恹恹

冬季裁量十四郎百端疴疴早粘床五藏受
寒內結積三焦發熱外生瘡 一息不來四
假殭兒孫撥出卧丘荒七魄有緣歸地府三
魂無分上天堂

爭似休休事事忘虛無境內覓清涼若是會
探潭底月便教認得雪中霜 共我為鄰住
洞房憑經伴蕙心香不日修成功與行騎
鷹跨鳳入仙鄉

恣逍遙

物物拈來般般打破怪怪用玉匙金鎖瀝瀝
澄源炎炎焰火盈盈處上下倒顛換過 妙
妙神機玄玄性果清清做靜中堪可現現虛
空靈靈真箇明明袞袞光瑩寶珠一顆

千秋歲

汨汨塵寰擾苦苦无添窮長繫絆不分曉日
生還恁地夜夢魂驚香聽分表都綠劫劫波
波結 急急心開聲早早俱除勤迴首處見

明瞭一般真箇好萬道銀霞繞這香了秋潭
皓月波光晶

巫山一段雲

對月成詞句臨風寫頌章一枝銀管瑞中祥
隨手染清涼 玉洞門開深淺寶樹花分象
香蓬萊仙島是吾鄉宴罷後瓊堂

侍香金童

大道修持物物俱盡悔莫起黑煙生靉靆雲
水淨清須慷慨逸優游做成奇駁 墨這功
行便恰如山與海得闌裏真閑誠自在一塊
紅霞籠寶排化玉成形轉生光彩

菊花新

對月無何添雅致叢綠花黃偏有異正是遇
重陽霜露冷宜呈祥瑞 清香覆我如言志
害風來且休攀視應共到蓬萊瓊筵上衆仙
頒賜

木蘭花令

鶴兒每每常相聚點點蒼苔啜食觀青霄空
外啖天時明月光中頻警靈 逍遙鮮潔理
毛護自在遊行惟顧步怡然呼取舞風來六

箇隨余蓬島去

虞美人

四郎須是安爐竈莫把身心關玲瓏便是本
來真氣精養住使得好精神 汞鉛得得知
顛倒方見無名道今宵飲酒是何人認取清

風明月日相親

又以燒為見在父母

害風王詰遵隆道自在逍遙好除眠之外絕
無知百花笑我不會見便宜 功成行滿仍
須早雲去歸蓬島好同見在赴瑤池共摘蟠
桃往昔結實枝

月中仙

遭遇中秋近初更氣爽風定雲散虛空露降
闌萬星暗天顯青玉素舉頭瞻海岸湧出金
盤爛爛不特門門煥人人共喜貧富總爭看
誰能曉悟清輝這銀蟾裏面深隱陽筭星稀
宿罕使鶴鳥飛去與誰為伴一輪圓又滿正
當午恰分子半愈放光明燦庵前召我衝霄
漢

金花葉

名利牽纏怎徹誰肯把善緣結結在火宅居
常矣煬尚穿熟惡業 聞巧爭如守拙早離
了機心切切稍能悟三教秘訣也無生無滅

楊柳枝

性命須將自己觀細詳看一刀項下好疼酸
最艱難 不信且將針略試痛多端發心要
喫覺心寒遠佳餐

割鼓社

割鼓社這割鼓食中拍且說說且出來後却
勝如大小麥便接著五方顏色青紅黃黑更
兼白又同那五方標格蒸炒爇燒生喫蒸炒
爇燒生喫 割鼓社這割鼓食中飽我看晚
豆將來後且圖起須入窖莫收多不須收少
上頭自有三光照似象茶何勞打砲有幾箇
人知道有幾箇人知道

西江月

於已搜尋藏善慮思絕淚為先減財節色保
丹田對景須行方便 老幼自然有祿且休
苦苦孜孜放開一朵白花蓮管東西江月現
王詰心懷好道害風意要離家紫綠悉去似

園砂不怕妻兒咒罵 好對清風明月寧論
海角天涯來來往往跨雲霞此箇逍遙無價
養甲爭如養性修身何似修心從來做作到
如今每日勞勞圖甚 好把幽微搜索便將
玄理思尋教君稍悟水中金不肯荒郊做恁

川撥棹

這修行訣便安排得有次第把清靜天機今
朝分明漏泄使人人玉花結 從頭一一穩
鋪設向五更裏看擺拽將此脫殼神仙玲瓏
玳瑁做絕害風兒怎生說

一更裏看來羅萬象列搜出那坐正星內
中位貌偏別向地方也玉花結 銀素料來
細得熱把烏龜牢纏然然後四隻脚撐撐子
一齊打折害風兒怎生說
二更裏看天河流無竭忽見耿耿洪波澄
熾熾底昭徹向西方也玉花結 灑出黃芽
色非担甲尖上搏白雪有此一箇靈童擺手
親自去折害風兒怎生說
三更裏看銀蟾圓不缺吐出一輪光明滿
天瑩然有別向南方也玉花結 白鹿前來

行得竊便銜他新皎潔將去圭峯山頭獨自
口中嗚囂害風兒怎生說

四更裏瞥看斗斗光如燕照遍滿空清虛放
盡靈輝灑冽向東方也玉花結 攢燭三山
似電掣燭燿如瓊瑤肩被這惺惺了了一齊

中宵盜竊害風兒怎生說

五更裏瞥看魁魁無差缺正合天心幹運堪
作上天喉舌向中央也玉花結 捉得清虛

這迴決便水永除生滅此箇自在逍遙唯予
獨會拈拾害風兒怎生說

曲中詞徹把來歷事親堪說住京兆府外縣
終南方孤雲白雲自觀得玉花結 活死人

兮放些步沒地埋真惟悅道號重陽子字知
明姓玉名詒害風兒怎生說

性問伊家命要嫁遠東頭兒郎馳騁昌肌膚
瑩昌肌膚瑩 鉛汞合和正轉氣神定天上

面急藏金鍾玉蕊李真仙省李真仙省

慈郭郎

牛子却如澆墨牽拽不迴頭向川原食水草
劈風流 禁得這茫茫兒躑加力用鞭勾渾身

都打偏瘦霜粧

醉江月

放心坦蕩樂閑閑應使蟲消尸去清靜長施
憑雅正封寶瓶 守護關關雙關非能運轉
也得全精固三陽相見五神分朗團聚 由

此雖寢無眠願養浩潔白盈盈數直待澄
解方是徹愈覺真靈開悟性結成丹圓光耀
赫決遇明師度紅霞繚繞德時迎引歸去

梅花引

少無福早孤獨憔悴一身無告囑日常思日
常思此事分明皇天便得知 見遠促見遠

促侍來偏親增汝祿孝心推孝心推致感神
明洪禧得共隨

為人福生中國本飯陰公注定祿命中無少
嗟嗟天與之貧不得富安居 尋思人似草

頭露爭奈保朝不保暮莫剛求莫剛求假使
強圖入手却還休

隨緣過隨分樂惡寬慳貪都是錯貴非親富
非鄰矜孤恤老取捨合天真 當權勿倚欺

凌弱須防運去相逢者減欺慢減欺慢不論

高下平等一般看

蘇莫遜 倚業五

認得之時休送碧岩深洞瑤瑤耀光布龍蟠
虎繞玉花垂西江水上來往見鳥飛 直待
青童交位德時休去頂戴翠華冠渾身錦繡

那人謾方知此處有箇水相隨

巫山一段雲 道友問變化

堪嗟萬物陰陽內造化因功休論西東只在
三光秀氣中 公如會得疾安脚便做飄蓬
脫了凡籠一箇真靈入碧空

又崑崙山

扶桑日出分明照蓬島相鄰若要親親除是
清閑只一身 逍遙無事方能到俯瞰迷津
煉就重統頂上孤峯現實珍

浪淘沙

事事少相侵物物無心固精養氣本源深得
得先人添側隱猿馬牢擒 玉樹可先臨花
綻黃金清香窈窕出高岑萬道銀霞攢簇住
方得嘉音

又大裏生蓮

陽氣透蒼天照綿綿地產猛焰亦如然發
出水中真覺性一朵紅蓮 早早認清泉結
取因緣烏龜口內吐靈煙助正丹田香韻郁
葉葉新鮮

又黃狀附口寫文

附口做生涯休寫交加憑他實語莫虛諱便
是於身增福祿瞻已榮家 見似浪淘沙若
勸深嗟若還不使到廳衙兩主休和歡又喜
公跨雲霞

錦堂春

試問修行纔登戶膺應是下手何如便先令
歡樂於已開舒待款款尋來的當端正意滅
情祛做嬉嬉坦蕩更認開閣裏安居 從
前一一細想好搜玄揣妙時復親書頌省悟
怡然超出苦海迷衢這香見真真那箇唯分
明本有元初却還舊處返光迴照獨證無餘
瓦盆歌
你敲着得恁響聲大無祥瑞沒尖杓元誰知
得那外唇有口能發課內虛有腹成因果貴
賤賢愚細思量人人教一箇 這風狂悟斯

不肯爭人我除煩惱滅心火日日隨緣過道
遙自在任行坐功成行滿慧雲朵帶殼昇騰
恁時節方知不破

賀聖朝

仲冬佳節靈童來報陽氣初昇黃芽齊吐玉
漿澆溉榮布層層 甲方瓊秀庚方金彩相
間呈能把明珠祥瑞光迎在雲外騰騰

晝夜樂藏頭

全相隔休教錯年間恁生作前頭說甚怪怪
辰下重安手脚被瞻光歇運交平時從根摸
索事有神功清強氣躍 下於子尋倚托文
上沒丹藥天知命惟高中談談中別著公決
要覓清涼北府城南登閣各得其宜晝歡暮
樂

重陽全真集卷之十三終

文三

十八

重陽教化集序

文四

甚哉高尚至人世不常有也譬如景星慶雲
非遇聖朝昌運則豈泛泛而見自太上出關
之後有關令尹喜傳襲其道下連鍾離處士
呂洞賓陳圖南者皆相繼而出于今得重陽
真人及丹陽先生亦接踵于世噫家家手幾
千百年之間此數君者未易多得可謂高尚
至人世不常有者也丹陽先生馬宜甫本冠
裳大姓富甲寧海自童稚時其仙風道骨灑
落不凡已為閭里欽重長從鄉校積學為文
便能入第一等忽遇重陽真人以一言悟意
棄金帛如弊屣視妻子如路人幅巾杖屨之
外一亡所有澹如孤雲悠然西邁以為物外
之遊意將不受幻化儻非夙緣定分了悟生
死者其孰能與於此先生入道之後凡述作
賦誄僅數百篇一一明達至理深得真詮門
人高弟等命同其議哀綴成集門人靈真子
朱抱一命工鏤板將行於世迺屬本府醫學
博士韓辰同扶風馬川訪予求序諄諄懇切
適有客在坐聞之則披髯抵掌捨席趨進而